



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Tractatus De Regimine Ecclesiae Episcopalis In Octo Libros Distributus**

**Antonelli, Giovanni Carlo**

**Velitris, 1650**

An, & quando Iudex possit vt suspectus recusari. Cap. VII.

**urn:nbn:de:hbz:466:1-11401**

benefic. in tit. de Different. inter re-  
script. gratia, & iustit. num. 16. &  
in tit. de Dispensat. num. 13. Nau.  
conf. 4. de Rescript. & alij, quos re-  
fert, & sequitur Barbof. in cap. in-  
notuit. num. 16. de elect. vbi dicit,  
quod nec speciale, nec generale  
mandatum desideratur ad dispē-  
sationes, & quæuis alia priuile-  
gia impetranda, sed possunt vali-  
dè impetrari eo, cui impetran-  
tur, ignorante iuxta tex. in  
capit. si tibi de Præb. in 6. vnde  
hæc verior videtur opinio. rati-  
ficatio tamen debet fieri in tem-  
pore hoc est intra terminum præ-  
fixum ad soluendum, alias incur-  
ritur in periculum, ut post Rom.  
conf. 427. & alios notat Genuens.  
d. cap. 4. nu. 11.

## S V M M A R I V M.

- 1 De iure civili Iudex ordinarius non potest penitus recusari, se-  
cus de iure canonico.
- 2 Delegatus tam de iure canonico  
quam civili recusari potest.  
Quid si sit delegatus ad vnũuersi-  
tatem causarum.
- 3 Huiusmodi recusatio ante litis  
ingressum proponenda est, &  
ante omnes dilatorias.
- 4 Quando post litem contestatam  
recusatio proponi possit.
- 5 In libello recusationis debet ex-  
primi legitima, seu probabilis  
causa suspicionis.
- 6 Si proponatur causa non legiti-  
ma, potest Iudex recusatus ad  
ulteriora procedere.
- 7 Appellationi Friuola non est de-  
serendama.
- 8 Iudex tam ordinarius, quam de-  
legatus Papa compellit partes  
ad eligendum arbitros, qui de  
causis suspicionis cognoscant.
- 9 Quando possit Iudex recusatus  
ad ulteriora procedere.
- 10 Declaratur tex. in cap. legitima  
de appell. in 6. & cap. suspicionis  
ex. de offic. deleg.
- 11 Arbitri possunt eligi etiam alibi,  
quam in loco Iudicis recusati.
- 12 Potest etiam Iudex recusatus co-  
gere partes ad eligendum ter-  
tium, si arbitri non sint concor-  
des.
- 13 Quid si partes in ipsos arbitros,  
aut in tertium eligendum non  
conueniant.
- 14 Recusato Episcopo ut suspecto, ex  
eadem causa Vicarius ipsius  
recusari potest, limitatur nu. 15.
- 15 In recusatione Vicarij generalis,  
vel delegati ab Episcopo non  
eliguntur arbitri, sed causa su-  
spicionis coram Episcopo sunt  
proponenda.
- 16 Quid si suspicio concerneret ipsi  
Episcopum.
- 17 Similiter ad Capitulum recurritur  
in casu recusationis Vicarij  
Capitularis.
- 18 Item Delegatus Papa cognoscit  
de causis recusationis sui subde-  
legati.
- 19 Quid si vnus ex duobus delega-  
tis Papa recusetur ut suspectus.
- 20 Si Episcopus esset in remotis, &  
Vicarius recusetur, tunc de  
recusatione illius cognoscant ar-  
bitri, limitatur num. 22.
- 21 Vicarius Episcopi cognoscit de  
causis suspicionis delegati ab  
Episcopo existente in remotis.

- 24 De stilo Signatura Vicarij non allegantur suspecti, sed dantur illis adiuncti.
- 25 Iudex ordinarius potest statim ac recusatur causam alteri partibus non suspecto committere.
- 26 Quid si recusationis causa coram Arbitris probata fuerit.
- 27 Quando Delegatus Papa possit causam alteri subdelegare.
- 28 An delegatus Principis possit recusari si causa commissa fuerit recusatione remota.
- 29 Duo tantum Iudices recusari possunt.
- 30 An procurator absque speciali mandato possit Iudicē recusare.
- 31 Quid si procuratores ambarum partium de communi consensu Iudicem in Romana Curia impetrauerint.
- 32 Processus factus post interpositā recusationem est ipso iure nullus.
- 33 An Episcopus visitans possit ut suspectus recusari.  
Quomodo in causis visitationis procedatur, ibidem.
- 34 An possit Episcopus in actu visitationis procedere contra Capitulares absque adiunctis.
- 35 An contra Coadiutorem cum futura successione teneatur Episcopus procedere cum huiusmodi adiunctis.
- 36 Quid si totum Capitulum delinquat.
- 37 Ad quem sit appellandum, si Iudex veniat admittere legitimā recusationem.
- 38 Si Iudex esset inimicus capitali inimicitia, potest subditus petere à Principe, se excipi cum tota

familia à iurisdictione talis Iudicis.

## C A P. VII.

An, & quando Iudex possit ut suspectus recusari.



E iure civili Iudex ordinarius regulariter non potest penitus recusari, sed illi associatur Episcopus, vel alius vir honestus, & integræ opinionis iuxta auth. *ne verò iuncta glos. C. de Iud. & est communis opinio, ut d. M. Grass. relat. in Syntag. opin. commun. tit. de Iud. cap. 20. de iure verò canonico Iudex ordinarius in totum recusari potest, siue sit Episcopus, siue eius Vicarius cap. si quis contra de for. compet. cap. cum speciali, & ibi glos. ex. de Appell. quod ex dispositione vtriusque iuris procedit in delegato etiam à Principe l. apertissimi C. de Iud. e. Iudex de offic. deleg. in 6. nisi sit delegatus ad vniuersitatem causarum: quia neque tunc de iure civili in totum recusatur, sed illi similiter adiungitur Episcopus iuxta glos. in l. fin. ver. cum specialis C. de Iud. Marant. de ord. Iud. par. 4. dist. 5. num. 40. secus de iure canonico: quia tunc etiam in totum recusari potest: ut de Conservatore Religionum, seu Regularium personarū dicit Barbof. de offic. & pot. Episc. par. 3. all. 106. num. 32. Lezan. in Sum. qq. regul. to. 2. cap. 10. num. 74. & alij.*

3 Observant autem Doctores, huiusmodi recusationem tam de

Ddd 2 iu.

inre canonico, quam civili ante 5  
litis ingressum proponendam esse,  
cum sit dilatoria *iuxta tex. in d.l.  
apertissimi & cap. inter monasterium  
de sent. & re iud. Ricc. in collect. de  
res. 445. par. 2.* vel saltem intra ter-  
minum statutum à iudice ad dila-  
torias proponendas *glos. in cap. se-  
cundo requiris & tertio postulas  
ver. coram eodem de Appell. contra  
Villal. relatum in Syntag. opin. com-  
mun. tit. de iudic. cap. 20. vers. de  
iure regio*, ubi dicit, quod de iu-  
re civili in quacunque parte litis  
recusatio huiusmodi proponi po-  
test.

Debet autem proponi ante  
omnes dilatorias, quia si opponi-  
tur alia dilatoria, censetur pro-  
uocari Iudex, ut super ea pronun-  
ciet, & sic inducitur consensus in  
iudicem; unde postea non posset  
recusari *Marcell. Vulp. in Prax.  
iudic. cap. 25. nu. 4. & 5.* nisi post li-  
tem contestatam superuenerit ali-  
qua noua causa suspicionis, ut di-  
cit *glos. communiter recepta in her-  
ror. ver. facti C. de Iur. & fact.  
ignor. Vulp. loco cit. in hoc tamen  
non creditur recusanti absque iu-  
ramento Ricc. in Prax. for. e. cclef.  
p. 4. res. 515.* ubi etiam dicit, quod  
si in causa ecclesie, vel minoris  
lapsum fuerit tempus ad propo-  
nendam recusationem, conce-  
denda est restitutio; idem dicen-  
dum, si causa suspicionis post litē  
contestatam perueniret ad noti-  
tiam recusantis, quia tunc etiam  
opponi potest præstito huius igno-  
rantie iuramento *M. Grass. rela-  
tus in Syntag. opin. commun. tit. de iud.  
cap. 20. ver. limita.*

6 Observant 2. quod debet exprimi  
in libello recusationis legiti-  
ma, seu probabilis causa suspicio-  
nis coram iudice, qui recusatur,  
ut notatur in *cap. si contra de offic.  
deleg. in 6. siue iudex recusatus sit  
ordinarius, ut in d. cap. cum specia-  
li, siue sit delegatus, d. cap. secundo  
requiris & tertio postulas, ubi glos.  
ver. coram eodem; quod etiam pro-  
cedere de iure civili tenet Ricc.  
in Prax. par. 2. res. 400.* ubi dicit,  
ita communiter sentire Doctores in  
*d.l. apertissimi C. de Iudic.* quam-  
uis in hoc contrarium asserat Ma-  
rant. *d. par. 4. dist. 5. num. 40. & alij  
relati in Syntag. opin. commun. tit. de  
Iudic. cap. 20. vers. an autem cum  
seq. ex quo fit, ut si allegaretur  
causa, que si esset probata, legiti-  
ma non reputaretur, posset tunc  
iudex recusatus ad ulteriora pro-  
cedere cap. inter monasterium de  
sent. & re iud. glos. in d. & tertio  
postulas ver. coram eodem Vulp. lo-  
co cit. cap. 25. num. 28; Marant. d.  
dist. 5. nu. 40. Barbof. in cap. super  
questioni & eius ergo de offic. iud.  
deleg. quemadmodum appellationis  
notorie friuolæ non est deferen-  
dum cap. cum appellationibus de  
Appell. in 6. Gennens. in Prax. Ar-  
chiep. cap. 55. numero 8.*

8 Iudex autem tam ordinarius,  
quam delegatus Papæ in tali ca-  
su compellit partes ad eligendum  
arbitros, qui de causis suspicio-  
nis cognoscere, & iudicare de-  
bent, ut in *d. & tertio postulas &  
d. cap. cum speciali de Appell.* ipsi-  
que arbitris competentem termi-  
num præfigit, intra quem in idē  
conueniant, vel tertium concor-  
di-

- alter aduocent, cum quo ambo, vel alter eorum negotium suspicionis terminare debent, alias illo transacto, & causa suspicionis coram ipsis non probata, ad vltiora procedere poterit *d. cap. sū speciali, & cap. legitima de Appell. in 6. per quem textum corrigitur cap. suspicionis de offic. deleg. secundum glos. in d. cap. secundo requiris. S. tertio postulas ver. terminam. competentem. quamquam* 10 *pro-*
- 10 *babilius videtur, quod d. cap. suspicionis, non fuerit correctum per cit. cap. legitima. illud enim loquitur in termino parti assignando ad probandam causam suspicionis, qui proculdubio ab arbitris assignari debet: hoc autem loquitur in termino assignando arbitris ad causam recusationis finiendam, quem non arbitri, sed index recusatus debet præfigere, ut dicit glos. in d. cap. legitima ver. per Iudicem Barbof. in d. cap. suspicionis num. 5. de offic. deleg. Ricc. in Prax. for. eccles. ref. 400. p. 2.*
- 11 *Arbitri verò possunt eligi etiã alibi, quam in loco Iudicis recusati, dummodò non in loco valde remoto, idest vltra dietam legalẽ Vulp. in Prax. iudic. cap. 25. nu. 14. Ricc. in Prax. for. eccles. par. 4. resol. 519. Barbof. de offic. & pot. Episc. p. 3. all. 54. num. 150. vers. quando Episcopus.*
- 12 *Potest etiam Index recusatus cogere partes ad eligendum tertium, si arbitri iam electi non fuerunt concordēs Scacc. de iudic. lib. 1. cap. 101. num. 27. Barbof. in d. cap. suspicionis num. 3.*
- 13 *Si verò partes in ipsos arbitros, aut in tertium eligendum non conueniant, tunc ad infinitatem vitandam electio deuoluitur ad iudicem recusatum Nexizan. cõf. 55. in fin. Scacc. d. cap. 101. num. 27. verum si per arbitros fuerit pronunciatum, causas suspicionis, vel aliquam earum legitimas esse, causa deuoluitur ad superiorem, Barbof. de offic. & pot. Episc. par. 3. all. 54. num. 150.*
- 14 *Observant 3: quod recusato Episcopo vt suspecto, ex eadẽ causa Vicarius ipsius recusari potest: quia vbi superior est suspectus, sunt quoque suspecti eius officiales cap. in sinuante de offic. deleg. itã etiam si allegetur suspectus Gubernator, consentur etiam eius Auditores, & officiales suspecti, vt decisum refert Ricc. in collect. decis. 83. par. 1. quod procedit, etiam si Vicarius seorsim ab Episcopo habitet, vel causam cognoscat vt delegatus ab Episcopo, vel à Papa: quia semper poterit ab Episcopo renocari, seu ab officio remoueri; & ideò est verisimile, quod Vicarius trahatur in sententiã Episcopi Rip. in cap. 1. nu. 44. de iudic. quicquid dicat Vulp. in Prax. iudic. cap. 25. num. 15. & alij.*
- 15 *nisi Vicarius Episcopi sit confirmatus à Papa, siue ab alio superiore: tunc enim non poterit recusari ex eo, quod Episcopus sit suspectus, quia tunc non potest per Episcopum remoueri Rip. loco cit. Barbof. d. par. 3. all. 54. n. 150.*
- 16 *Observant 4: quod in recusatione Vicarij generalis, vel delegati ab Episcopo non eliguntur arbitri ad cognoscendas causas suspicio-*

- nis, sed illæ debent proponi coram Episcopo, si presens est in Diœcesi, vel non multum absens *cap. si contra de offic. Iud. deleg. in 6. dummodò suspicio non concernat ipsum Episcopum*, quia tunc Episcopus de causa recusationis non cognoscet, sed eius cognitionem alicui alteri confidenti committit *ut post Gemin. dicit Sbrozz. de Vic. Episc. lib. 3. q. 16. num. 3. & 8. Ricc. in Prax. par. 2. ref. 400. Barbof. d. all. 54. num. 150. vers. nota tamen.*
- 17 Idem dicendum est de Vicario capitulari, quia similiter ad Capitulum recurritur in casu recusationis, & tunc Capitulum potest cognoscere causas suspensionis sui Vicarij, quemadmodum Episcopus *cap. si contra de offic. deleg. in 6. Sbrozz. d. lib. 3. q. 16. num. 1. & 9. Vulp. in Prax. iudic. cap. 44. nu. 29. quæ si veræ sint, poterit Capitulum causam à Vicario auferre, & alteri committere Quarant. in ver. Capitulum sede vacante num. 5.*
- 18 Ita etiam si subdelegatus delegati Summi Pontificis recusetur, non eliguntur arbitri, sed causæ recusationis sunt proponendæ coram ipso delegato Papæ *et super questionum 8. eius ergo de offic. deleg. Ricc. in Prax. ut supra par. 4. ref. 517.*
- 19 Neque eligendi sunt arbitri, quando duobus iudicibus à Papæ delegatis cum clausula, *quod si ambo interesse non possunt, alter eorum in causâ procedat*, causa suspensionis contra vnum proponitur: tunc enim causa ipsa suspensionis coram non recusato conuicte probari, & ab eo expediri
- debet *d. cap. si contra de offic. deleg. in 6.*
- 20 Si verò Episcopus esset in remotis, & Vicarius recusetur, tunc de recusatione illius cognoscent arbitri, sicut cognoscerent de recusatione Episcopi *Sbrozz. d. lib. 3. q. 16. num. 6. Vulp. in Prax. iudic. cap. 25 num. 18. nisi adsit alter*
- 21 Vicarius, quia tunc ad illum pertinebit huiusmodi cognitio, *ut post Gemin. Franch. & Lap. declarat Sbrozz. loco cit. num. 7. quod videtur probari ex d. cap. si contra de offic. deleg. in 6. & in tali casu si delegatus Episcopi suspectus allegetur, Vicarius eiusdem Episcopi cognoscat de huiusmodi suspensione Sbrozz. d. q. 16. num. 5.*
- 22 Notandum tamen est, quod de filo signaturæ Vicarij non allegantur suspecti, sed dantur illis adiuncti, *ut post Staphil. & alios dicit Sbrozz. ubi supra d. lib. 3. q. 14. num. 15.*
- 23 Obseruant 5. posse iudicem ordinarium statim ac recusetur, causam alteri partibus non suspecto committere etiam absque partium consensu *cap. si quis contra, & ibi Abb. num. 14. de for. cõpet. Capis. dec. 137. num. 10. si verò recusationis causa coram arbitris iam electis probata fuerit, tunc non potest alteri causam committere, nisi de vtriusque partis consensu: & si partes non concorderint, adhuc poterit iudex causam committere alicui personæ, quæ neutri parti suspecta sit, vel illam remittere ad superiorem d. cap. cum specialis, ubi glos. in ver. de recusatoris ex. de appell. glos. in d. c.*

*d. cap. si quis contra ver. actor. de for. compet.*

- 27 Observant 6. posse similiter iudicem delegatum à Papa causam alteri in totum subdelegare, si coram eo recusatio proposita non fuerit; secus si proposita iam fuit; quia tunc non potest alteri committere, nisi de consensu recusatoris *cap. Iudex de offi. deleg. in 6.* quod intellige, vt de consensu vtriusque partis in tali casu causam committat, vt dicit *glos. in d. cap. cum speciali ven. de recusatoris de Appell.* si verò pronunciatum fuerit super recusatione, tunc non potest alteri committere etiam de partium consensu, sed causa remittenda est ad suum superiorem: quia eo casu non est amplius iudex *d. e. iudex in fin. Mirant. d. dist. 5. num. 41. Ricc. in Prax. for. eccles. par. 4. ref. 516.*
- 28 Observant 7. quod si Princeps delegasset aliquam causam recusatione remota, adhuc posset recusari iudex delegatus: quia illa verba sunt intelligenda de friuola recusatione; quemadmodum si causa committatur appellatione remota, adhuc esset locus appellationi: quia hæc clausula auferit solum friuolas, non autem legitimas appellationes, vt dicunt Doctores, quos refert, & sequitur *Vulp. in Prax. iudic. cap. 25 num. 11.* hoc tamen limitatur, quâdo iudex exequitur procedit in causa ex commissione Pape cum clausula, appellatione, seu recusatione remota; tunc enim iudex procedere potest in

causa ad vteriora non obstante recusatione *secundum Ricc. in Prax. for. eccles. par. 4. ref. 513.*

29 Observant 8. quod non nisi duo Iudices recusari possunt, vt *decisum refert Ricc. in Collect. dec. 445. par. 2.* nec potest procurator absque speciali mandato Iudicem recusare, cum ad eum non spectet absconditam sui principalis voluntatem declarare *Alex. cons. 26 num. 6. Felin. in cap. 1. Et lit. nõ cont. & alij apud Vulp. in Prax. iudic. cap. 25. num. 7.*

31 Adde, quod si procuratores ambarum partium de communi consensu Iudicem in Romana Curia impetrauerint, principales in partibus illum recusare non possunt *iuxta text. in cap. cũ olim de caus. poss. & propriet. nisi nouam causam superuenisse probarent, vt d. Vulp. loco cit. nu. 8.*

32 Observant 9. processum factum post interpositam recusationem esse ipso iure nullum, etiam si non fuerit appellatum à non admissa recusatione, seu à processu ad vteriora, quia recusatio non minus suspendit Iudicis iurisdictionem, quam appellatio, vt dicunt Doctores relati in *Syntag. opin. cõtit. de Iudic. cap. 20. vers. recusatio Iudicis cum seq. & decisum refert Ricc. in Prax. for. eccles. par. 4. ref. 513. & in Collect. dec. 83. par. 1.* idque probat ex Concilio Tridentino *sess. 14. de ref. cap. 5. ibi, nequam in causa procedatur.*

33 Observant 10. Episcopum visitantem, vel alium, cui id legitime competit, nõ posse vti suspectum recusari, vt *declarauit Paulus*

*lus V. teste Vulp. in Prax. iudic. cap. 25. num. 14. quemadmodum nec appellatio admittitur in ijs, quæ ad visitationem, & morum correctionem spectant ex Concilio Tridentino sess. 24. de ref. cap. 10. saltem quoad effectum suspensuum, nam iuxta declarationem Sac. Congregationis, quam refert Piasec. in Prax. Episc. par. 2. cap. 3. num. 61. Concilium loco citato non abstulit appellationem quoad effectum deuolutiuum.*

Hoc tamen secundum eiusdem Sac. Congregationis declarationem procedit, dummodò Episcopus processum non compleat, & se intra visitationis terminos contineat, ut refert Barbof. de offic. & pot. Episc. par. 3. all. 73. nu. 38. Farinac. dec. 153. p. 4. Diuers. in causis enim visitationis est procedendum de plano, nulla seruata forma iudicij cap. cum olim de Accus. nec potest visitans pœnas delictorū ordinarias imponere, sed tantū extraordinarias, quæ magis morū emendatione, accorrectionem, quam ordinariam delicti vindictam respiciant, ut cœsuis etiam Sac. Congregatio apud eundem Farinac. d. par. 4. Diuers. dec. 178. quia visitatio potius fit per modum fori pœnitentialis, quam contentiosi: nec in ea præcisè puniendi finis intendendus est, sed corrigendi, & salutare pœnitentias iniungendi, ut post Imol. in cap. Romana de Censib. in 6. dicit Piasec. d. par. 2. cap. 3. num. 61. vnde si Episcopus procedat compilato processu, vel modum in visitando excedat, poterit

recusari suspectus, & ab eolice appellatur, iuxta S. Congregationis declarationem, quam refert Leo in Thesfor. eccles. par. 2. cap. 2. num. 77. Barbof. d. all. 73. nu. 32. & seq.

34 Quæres, an possit Episcopus procedere contra Capitulares absque adiunctis in actu visitationis? affirmatiuè respōdet Barbof. d. all. 73. nu. 13. ubi citat Armandar. tit. 6. de Visitat. num. 30. quod probatur ex Con. Tridentino sess. 6. de ref. cap. 4. extra visitationem verò non potest Episcopus procedere contra aliquem ex capitularibus absque adiutorum consilio, & assensu tam in formando processu, quam in ceteris omnibus actibus vsque ad finem causæ inclusiuè iuxta formam eiusdem Concilij sess. 25. de ref. cap. 6. cuius dispositionem procedere tantum in Capitulis exemptis censuit Sac. Congreg. ac Rota Romana dec. 308. par. 2. Diuers. & coram Seraphin. dec. 743. Barbof. de offic. & pot. Episc. p. 3. d. all. 73. n. 4. Ricc. in Prax. for. Eccl. p. 4. ref. 592.

35 Notandum tamen est, quod contra Coadiutores cum futura successione non tenetur Episcopus cū huiusmodi adiunctis procedere, nisi ex forma Coadiutoria colligatur, ipsi Coadiutori concessa fuisse omnia priuilegia, quæ habent Canonici, ut resoluit Sac. Congreg. teste Ricc. in Prax. for. eccles. par. 4. ref. 599.

36 Addunt etiam Doctores, quod si totum Capitulum delinquat nemine ex capitularibus excepto iurisdictio deuoluitur ad Episcopum



pum, cum nulli supersint Canonici, cum quibus Episcopus possit procedere seruata forma Concilij, glossa in cap. irrefragabilis: excessus ver: per capitulum de officio: ord: Rota in Burgen: concordia 12: Nouembris 1593: coram Seraphino, quam refert Ricc: in Prax: for. Eccles: par: 4: ref: 600: vbi id limitat, quando totum Capitulum delinqueret contra Episcopum: tunc enim cognitio deuoluitur ad superiorem, ne videatur Episcopus esse Iudex in causa propria contra text: in l. vn: C. Ne quis in sua caus:

37 Queres 2. ad quem sit appellandum, si Iudex renuat admittere legitimam recusationem? Resp. ad Papam esse appellandum, siue appelletur a Iudice delegato, vt in cap: super questionum 9. eius ergo de officio: deleg: Barbof: d: p. 3: all: 106. n: 4: Lezanuin Sum: qq: reg: 10. 2: cap: 10: num: 75: siue appelletur ab ordinario: quia cum hec appellatio non sit a diffinitiuā, sed ab interlocutoria, vt d: Abb: in d: cap: cum speciali 9: porro num: 9. de appell. de ea Metropolitanus, aut alius Superior non potest cognoscere, ita prohibente Conc. Trid. sess: 24: de ref: cap: 20: nec obstat cap: 1: de officio: leg: quia illud procedit, quando appellatur a diffinitiuā: tunc enim appellari potest ab Episcopo ad Metropolitanū, seu legatum, aut Nuntium apostolicum, & ita sentiunt Doctores communiter.

38 His adde, quod si Iudex esset inimicus capitali inimicitia, potest subditus perere a Principe, se

eximi cum tota sua familia a Iurisdictione talis Iudicis l. vn. vbi Bart. & alij C: si quacun. prad. potest. & dicit Bellac: relatus in Syntag. opin. com. tit. de Iudic. cap. 20. vers. fallit quando.

## S V M M A R I V M:

- 1 Iudex ordinarius potest causas delegare.  
Item delegatus ad vniuersitatem causarum potest causas subdelegare, ibidem.
- 2 A Vicario foraneo ad Episcopū, vel Vicarium generalem appellatur.
- 3 Vicarius generalis in Ciuitate tantum constitutus verē generalis non est, sed foraneus.
- 4 Iudex ordinarius ad modicum tempus ex iusta causa potest alium in sui locum substituere.
- 5 Talis substitutus dicitur ordinarius.
- 6 Quando talis substitutus potest expedire causas meri, & mixti imperij.
- 7 Talis substitutus nō potest subdelegare ipsam vniuersitatē causarum.
- 8 An per mortem substituentis expiret potestas Vicarij substituti.
- 9 An iurisdictio ordinarij expiret per mortem Superioris constituentis.
- 10 Quando expiret iurisdictio Iudicis delegati.
- 11 Quando Iudex possit cognoscere de nullitate suae sententiae.
- 12 An Archipresbyter possit alium substituere in cura animarum Archipresbyter ecclesie cathedralis

Ecc les